



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Completens Constitutiones ab Innocentio XIII. & Benedicto XIII. editas

**Luxemburgi, 1740**

CCX. De suppressione Congreg. Angelorum in Provincia Gallo-provinciæ  
erectæ.

---

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)



CCX.

Confirmatur Decretum Capituli Generalis Ordinis Prædicatorum super suppressione Congregationis Angelorum in Provincia Galloprovinciæ alias erectæ.

*De Confirmatione erectionis Congregationis prædictæ vide Alex. VII. Const. ed. 1665. Jun. 30. P. 3.*

## BENEDICTUS PAPA XIII.

*Ad futuram rei memoriam.*

§. 1. **E**Xponi Nobis nuper fecit dilectus filius Joannes Sicard Frater expresse Professor Provincie Galloprovinciæ Ordinis Prædicatorum nomine dilecti etiam filii Joannis Josephi Robert Prioris Provincialis dictæ Provincie, quod alias nempe die 8. Martii 1660. a quodam Joanne Baptista Marini tunc temporis Magistro Generali præfati Ordinis, Congregatio Angelorum nuncupata ex nonnullis Conventibus Provincie ejusmodi erecta, ac subinde die 19. Julii 1664. sua, ac etiam Apostolica auctoritate confirmata fuit, cum juribus, ac privilegiis alteri Congregationi Britannicæ ejusdem Ordinis concessis, ea tamen expressa lege, & conditione in patentibus literis ipsius Joannis Baptistæ Magistri Generalis desuper editis adjecta, quod scilicet in dicta Congregatione Angelorum, ejusque Conventibus regularis observantia secundum tenorem Constitutionum præscriptarum exacte, & accurate servaretur; itaut a præfatis privilegiis ipso facto excideret, & excidisse censeretur, statim atque a regulari observantia hujusmodi desivisse constaret.

§. 2. Enatoque postmodum Dubio, an per quadam Decreta die 28. Septembris ejusdem anni 1664. emanata a Congregatione tum existentium S. R. E. Cardinalium negotiis, & Consultationibus Episcoporum, & Regularium præposita, quibus inter alia electiones in Capitulo Provinciali Provincie præfate confirmabantur, prædicta Congregatio Angelorum dissoluta fuisset, reque ad fel. record. Alexandrum Papam VII. Prædecessorem nostrum ab eodem Joanne Baptista Magistro Generali delata, idem Alexander Prædecessor de dictorum Cardinalium consilio, memoratam Congregationem Angelorum, in qua tunc vigeat regularis observantia, ac disciplina, in suo statu, & privilegiis auctoritate Apostolica confirmavit, & manuteneri mandavit, voluitque Vicarium præfate Congregationis vocem habere in Capitulis Provincialibus ejusdem Provincie deinceps celebrandis, prout habebat Vicarius alterius Congregationis Britanicæ, & alias prout in ipsius Alexandri Prædecessoris literis in simili forma Brevis die 30. Junii 1665. desuper expeditis, quarum tenorem præsentibus pro plene, & sufficienter expresso, ac de verbo ad verbum inserto haberi volumus uberius continetur.

§. 3. Verum cum in nupero Capitulo Generali prædicti Ordinis in Civitate nostra Bononiæ habito, in vim, seu executionem quarumdam nostrarum in pari forma Brevis literarum, quas die 8. Aprilis 1725. super ejusmodi Congregationibus Provinciarum d. Ordinis in universum acceptis ad idem Capitulum Generale in Civitate præfata congregatum dedimus, post maturam rei discussionem statutum, atque ordinatum fuisset, tanquam conducibile ad Regularis disciplinæ instaurationem, qualescumque Congregationes ab hac Sancta Sede non erectas, nec confirmatas, sed sola facultate ordinaria Religionis institutas, neque a suis Provinciis respectu se junctas, quotiescumque non custodi-

rent veterem observantiam eorum, quæ in primævo erectionis fervore præscripta fuere, suis Provinciis omnino reuniendas esse, facta potestate per d. Capitulum Generale dilecto Filio Thomæ Ripoll moderno Magistro Generali Ordinis præfati, habita de singulis Congregationibus hujusmodi pleniora ratione, eas supprimendi, & reuniendi originalibus Provinciis, quas a suo laudabili fine decidisse reperisset; atque compertum fuisset quinque Conventus, quibus prædicta Congregatio Angelorum constabat, ob Fratrum penuriam, temporum injuriam, rerumque vicissitudinem, ac inopiam, aliasque calamitates a primæva regulari observantia defecisse, nec illis suppetere, unde suorum Religiosorum necessitatibus subvenire possent, ac insuper ad duplicem contributionem, unam quidem Priori Provinciali dictæ Provincie; alteram vero ejusdem Congregationis Vicario pro rebus ad illam spectantibus faciendam teneri, & obligatos existere dilecti filii Ludovicus Mauche Vicarius ultimo electus, & Hyacinthus Dantrechaux Exvicarius, alique Alumni d. Congregationis enarratæ ordinationi Capituli Generalis inhærentes ab eodem Thoma Magistro Generali petierunt atque obtinuerunt prædictam Congregationem Angelorum dissolvi, & supprimi, illiusque Conventus memoratæ Provincie restitui, ac reuniri, & alias prout continetur in Decreto ipsius Thomæ Magistri Generalis ea super re die 5. Junii 1728. edito, tenoris qui sequitur, videlicet--

§. 4. *Nos Fr. Thomas Ripoll Sacr. Theologie Professor totius Ordinis Fratrum Prædicatorum Magister Generalis, & Servus. Quo primum ad supremum Ordinis regimen, meritis licet imparibus, electi sumus, ab omnibus totius Capituli Generalis Bononia celebrati Patribus, specialiter Nobis commissum est, ut alaboraremus ad reunionem Conventuum cum Provinciis, e quarum sinu prodierunt, ubi certo constare poterit Congregationes e talium Conventuum selectu formatas ex primævo erectionis sue fervore decessisse, quocumque tandem eventu, vel casu labefactata disciplina proveniat. Cum itaque non sine marore didicerimus Congregationem nostram Angelorum in Provincia nostra Galloprovinciæ erectam, ut ibi adamussim, ad rigorem exactioris observantia viveretur, tamen ob varias injurias temporum, diversasque calamitates, ita a præscriptis severioribus statutis excessisse, & unus idemque sit vivendi modus a ceteris Provinciis ejusdem Conventibus non satis ab similibus, quo subsistere possit præfixa separatio, & duorum Superiorum, vel capitum institutio, maxime cum ex præfata Congregationis instituta literis patentibus expresse notetur die 19. Julii 1664. ipsi concessa, vel concedenda privilegia ea limitatæ lege, & conditione valere, vel validura, & non aliter, ut in ejus Conventibus regularis observantia secundum tenorem Constitutionum nostrarum exacte, & accurate servetur, adeont a prædictis privilegiis, concessionibus, & gratiis excedat ipso facto, & excessisse censeatur statim atque a regulari observantia excessisse conspicerit. His, aliisque adducti momenti, votisque petitioni, ac precibus tum recens electi in Vicarium, tum Exvicarii, ac plurium ejusdem Congregationis Alumnorum inclinati harum serie, nostrique auctoritate Officii, ac de mandato Nobis a præfato Capitulo Generali facultate, prædictam Congregationem Angelorum dissolvimus, & annullamus, & tenore præsentium suppressam, ac solutam declaramus, omnesque Conventus illius Congregationis unimus, & restituimus Provincie nostræ Galloprovinciæ unitisque denunciavimus. Hinc annuentes precibus Admodum Reverendi Patris Magistri Ludovici Mauche in Vicarium nuper electi, & a Nobis, ad maturam rei discussionem confirmati, ipsum ab onere Vicarii Generalis eximimus, & exemptum acceptata ejus renunciatio ne declaramus, dantes Admodum Rev. Patri Magistro Provinciali moderno, ejusque Successoribus om-*

Decretum præd. super Congr. præfate suppressione, & Conventuum reunionem.

Congregatio prædicta Angelorum jam tunc ab anno 1660. erecta & Auct. Ap. confirmata fuit.

Deinceps emanato Dubio, an prædicta Congregatio dissoluta fuisset, ab Alex. VII. iterum confirmata est.

Denique in Capitulo Generali Bononiæ, iustis de causis suppressa fuit, & Decretum hac super re emanatum.



nem in & super ad. Conventus, personasque ad ipsos quomodolibet spectantes auctoritatem, & potestatem, quam erga ceteros ejusdem Provinciae Conventus, & personas exercere solet, & debet ex sui officii Provincialis, & confirmationis a Nobis emanatae die 21. Maji transacti; praecipientes in virtute Spiritus Sancti, & sanctae obedientiae, necnon sub formali praecepto omnibus Fratribus ad d. Congregationem antea spectantibus, ut praedicto Rev. Patri Magistro Provinciali Provinciae nostrae Galloprovinciae subsint, & pareant, ipsaque velut legitimum Caput, & unicum Superiorem habeant, venerentur, & agnoscant, quem etiam plurimum in Domino, & paternis visceribus hortamur ne quidam detur, vel contendatur ad molliorem disciplinam aditus, & singulis in Caenobis dictae Provinciae, vitam regularem uniformiter erigat, lapsam restituat, & ubicumque viget intactam conservet. In nomine Patris, & Filii, & Spiritus Sancti, non obstantibus in contrarium quibuscumque. Datum Romae in Conventu nostro Sanctae Mariae super Minervam die 5. Junii anni 1727. - Frater Thomas Ripoll Magister Ordinis - Frater Joannes Sicard Magister, & Secretarius - Loco † Sigilli - registr. fol. 90.

Preces pro confirmatione.

§. 5. Cum autem, sicut eadem expositio subjungebat, licet suppressio d. Congregationis, illiusque Conventuum restitutio Provinciae praefatae sic factae operatum habeant successum, ipsorumque Conventuum fratres sub uno eodemque Provinciae praefatae capite quietius, & feliciter regulari observantiae insistant, majorique animorum concordia Altissimi obsequiis famulentur, nihilominus quia dicta Congregatio etiam auctoritate Apostolica erecta, & praesertim per supradictas Alexandri Praedecessoris literas confirmata fuerat, ipse Joannes Josephus Prior Provincialis vereatur, ne id validitati suppressionis, & unionis hujusmodi obstet, illasque aliquando in dubium revocari contingat. Quare praefatus Joannes Exponens supradicti Joannis Josephi Prioris Provincialis nomine Nobis humiliter supplicari fecit, ut in praemissis opportune providere, & ut infra indulgere de benignitate Apostolica dignemur; Nos igitur ipsorum Joannis Exponentis, ac Joannis Josephi Prioris Provincialis votis hac in re quantum cum Domino possumus favorabiliter annuere volentes, eorumque singulares personas a quibusvis excommunicationis, suspensionis, & interdicti, aliisque Ecclesiasticis Sententiis, censuris, & poenis a Jure vel ab homine quavis occasione, vel causa latis, si quibus quomodolibet innodatae existant, ad effectum praesentium dumtaxat consequendum, harum ferre absoventes, & absolutas fore censentes, hujusmodi supplicationibus inclinati, suppressionem Congregationis Angelorum Provinciae Galloprovinciae, illiusque Conventuum reunionem eidem Provinciae per dictum Thomam Magistrum Generalem Ordinis Fratrum Praedicatorum, sicut praemittitur, factae, expeditumque desuper ejusdem Thomae Magistri Generalis decretum praesertim cum omnibus, & singulis in eo contentis, ac inde caeteroquin legitime fecutis, auctoritate Apostolica tenore praesentium confirmamus, & approbamus, illisque inviolabilis Apostolicae firmitatis robor adjicimus, ac omnes, & singulos juris, & facti defectus, si qui in praemissis quomodolibet intervenerint, supplemus.

Confirmatio relati Decretii.

Clausula.

§. 6. Decernentes ipsas praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissime suffragari, & ab eis respective inviolabiliter observari; sicque in praemissis per quoscumque Judices Ordinarios, & Delegatos, etiam Caesarum Palatii Apostolici Auditores, ac S. R. E. praefatae Cardinales

etiam de latere Legatos, & Sedis Apostolicae Nuncios, sublati eis, & eorum collibet quavis aliter judicandi, & interpretandi facultate, & auctoritate judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 7. Non obstantibus praedicti Alexandri Praedecessoris literis, aliisque praemissis, ac Constitutionibus, & Ordinationibus Apostolicis, necnon quatenus opus sit Ordinis Provinciae, & Conventuum praedictorum, ac quibusvis aliis etiam Juramento, confirmatione Apostolica, aut quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores, praesentibus pro plene, & sufficienter expressis, ac ad verbum infertis habentes, illis alias in suo robore permanens, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Derogatio.

Datum Romae apud S. Petrum sub Annulo Piscatoris die XXVI. Martij MDCCXXIX. Pontificatus Nostri Anno Quinto.

Statuuntur, & ordinantur nonnulla pro stabilenda Reformatione juxta Constitutiones Urbani VIII., & Innocentii X. in Provincia Pedemontana Ordinis Fratrum B. Mariae de Monte Carmelo.

CCXI.

Hac de re vid. Const. Innoc. XI. ed. 1687. Mart. 27. P. 2., & Clem. XI. Const. ed. 1715. Oct. 26. P. 15.

BENEDICTUS PAPA XIII.

Dat. 26. Mart. 1729. An. 5.

Ad futuram rei memoriam.

A Postolatus Officium infirmitati nostrae, nullo licet meritorum nostrorum suffragio, divinitus commissum, salubriter exequi satagentes, exorta inter Religiosos viros, quos vota sua Altissimo in Sanctitate, & iustitia, paceque fraterna reddere decet, dissidia opportunis rationibus dirimere, ac felici, prosperoque illorum regimini, quantum cum Domino possumus, consulere studemus, sicut omnibus mature consideratis, ad Omnipotentis Dei gloriam, & Religionis incrementum expedire arbitramur.

Procedium.

§. 1. Alias siquidem postquam Anno 1647., seu alio veteri tempore in Provincia Pedemontana Ordinis Fratrum Beatae Mariae de Monte Carmelo reformatio introducta fuerat sub observantia Constitutionum a fel. rec. Urbano VIII. ac Innocentio X. Romanis Pontificibus Praedecessoribus nostris pro Conventibus in eodem Ordine reformatis, & reformandis editarum, quae tamen in Provincia praedicta non aliter tunc acceptae erant, quam cum praeservatione quorundam Decretorum, quae Leges municipales appellabant, ac consuetudinum, & Statutorum particularium, ac subinde anno 1650., vel circiter, altera magis exacta, sive secunda reformatio sub enarratis Constitutionibus pure simpliciter, & ad literam observandis cum renunciatione legum municipalium, consuetudinum, & statutorum particularium hujusmodi in eadem Provinciam inuenta fuerat; rec. vero mem. Innocentius Papa XI. etiam Praedecessor noster hanc secundam reformationem per totam Provinciam praefatam promovere, & paulatim extendere desiderans sub certis modo, & forma tunc expressis in primis statuerat, ut singulis triennis sine cujuscumque consensu tribus dictae Provinciae Conventibus ejusmodi reforma-

Jam inde ab an. 1647. praedicta reformatio primum in praefatam Provinciam introducta fuit cum quibusdam praeservationibus.

Postmodum secunda exacta reformatio in eandem inuenta fuit.

Post qua extendenda, & promovenda primum ab Innoc. XI. deinde a Clem. XI. elaboratum est.

ioni